

TRIBUNAL ELECTORAL del Poder Judicial de la Federación

Asunto: Juicio para la Protección de los Derechos Político-Electorales del Ciudadano.

Expediente: SUP-JDC-1865/2015.

Tema: Derechos colectivos de pueblos indígenas.

Lengua indígena: Purépecha.

Niatakua: Juicio para la Protección de los Derechos Político-Electorales del Ciudadano.

Karakata: SUP-JDC-1865/2015.

Uandakua: Derechos colectivos de pueblos indígenas.

Uandakua jimbo karakata: Purépecha.

Eska na arhijka Instituto Nacional de Lenguas Indígenas (INALI), jini San Franciscu Pichátaru wandansint'i purépecha jimbo, enka p'indakuark'a kunkuarhikua aundakuari "tarasco". I ireta pakarasant'i jini Tinganio Michoacani de Ocampu.

I ireta porhe San Franciscu Pichátaru, ioni weratini jatsikuarhiasti wandanhiatechani wenani jamani tumina etsakunskueri ka naniejk'a urakuark'a ambe, ka jimajt'u xarharsirent'i eskaksī na xipatikuark'u ka nu sesi etsakuntenk'a tuminani ka xasī jimpo nu k'amarakuarsirent'i ukua aiapekata ambe iretarhu.

Indécheeri kamperakua ireta porhé ka cabecera municipal arhikata, tsunapisti, ka mamaru ambe ukuarhist'i, jima weratijt'u Jefatura de tenenciaru.

Jieni jurhiatikua 30 kutsī junio 2015, juramuticha iretarhu anapuecha kurakuastiksī cabilduni eskaksī intspentapirink'a tumina, eska na arhijka "esk'a tumina un nitamapirink'a municipiurhu", tumina enkaksī inskuntk'a municipioni, kurhajpensirent'i eska na p'itarka xeparini na xani kuiripu irekaski iretarhu ka na xani wetarhinchakua ambe jatsikuarespi.

Tatsikua, jieni jurhiatikua 9 kutsī julio majk`u uexhurini, ayuntamienturhu anapuecha petastiksī karakata ma paraksī axakuni Congresuni del Estado de Michoacáni, ka istu Auditoría del Estado de Michoacáni, nanikaksī kurhajpenk'a xahanatani wandaneatani ka sesi peent'ani eska na kurhajpenheejk'a, ka enkaksinha xanhatapirink'a inspeni eskaksi na kurajpenk'a, ka nu ikichakua uni juramukuechani ambe, eskaksī tsindepirink'a tsimarani k'umanchekuecha, eskaksī upirink'a aimint'u ambe. Istuksī wantast'i eskaksī juramutiecha iretarhu anapuecha anchperata upirik'a ka antankutantsī iamindu ambe eska juramukuecha na karakata jaka.

Tankuarhik'uaru anchikuariteri ma Ayuntamienturhu Tinganio, Michoacáni anapuecha ka ireta Sani Franciscu Pichátaru, ka Secretaría de Gobiernu ka Pueblos, arisiksī pakatperasti:

1. Winhaskuni imani pakatperkuani nanikaksī Cabilduru anapuecha intspeenteenk'a ambeek'a ireta kurhajpeenk'a, ka isī jimposkī kurhakusti

TRIBUNAL ELECTORAL

del Poder Judicial de la Federación

Congresuni del Estaduni eska erankuntapirink'a ka jurajpini inspentani kurajpekuani.

2. Eskaksinha juramuticha chunkumapirink'a kurhajpikuani jima Congresurhu, erok'aparini eskaksi kurajchanhapirink'a; ka
3. Eskaksi iaminduecha nu japirink'a nu sesi xeni ambeek'aksi pakarapirink'a Congresu ka Auditoría del Estado, ka eska ireta kurandipirink'a xanhatani ambe eskaksi na karakata jaka juramukuecha.

Jieni ma inchamani kutsi septiembrini wexurhini 2015 jimpo, p'ikustiksi juramukua jimmani Cabildu jima Tinganio Michoacani, enkaksi juramupirink'a 2015 ka 2018, neenkaksi noteru chunkumapk'a pakatperakuani Cabildu weratichani jinkoni jien 9 kutsi juliu jimpo, mamaru ambe kamperanhast'i ka ustiksi eska Gobiernu del Estado upirink'a tankuarhikua ma jimmani Ayuntamientuni jinkoni, nanink'a wenani jamini juramuti Presidete Municipal, sesi erankuntasti kurhajpekuani.

Sanderu orhepatini, jien juratikua 17 septiembrini jimpo, ayuntamienturhu anapuecha, Tinganio Michoacani, petastiksi ma karakata nanikaksi tantochewenk'a orhetsikurichani San Franciscu Pichataru anapuechani, ka nanikaksi xenk'a eska nu iretasi urapirink'a imani kurajpikuani.

Neekaksi juramuti ukuarhenk'a ireteri purhe San Francisku Pichataru, xanatastiksi ma karakata jima Tribunal Electoral del Poder Judicial de la Federación, enkaksi kuajchakuenk'a sesikuechani arhikata derechos político-electorales del ciudadano, ka naninkaksi xarateenk'a na kamperakua ambe ka jima arhixirent'i eskaksi nu sesi ukuaspk'a jima enka iretecha sesikua jatsikuarhik'aparaksi jandiajk'u juramukuarhini ambe.

laxi xe je, kuiripuecha ma arhikatecha pichpiricha, xarhatastiksi ma karakata, naninkaksi kutsitapk'a mamaru jasi erankunskua eska na jindeek'a sesikuecha juchari ireteecheri, nena winaskuntani juchari jankua, ka nanijkajt'u xeenk'a sesikuani jandiajku juramukueri.

Sala Superiori arixi sesi pentasti wandaneatani erankuparini eskaksi ayutamienturu anapuecha nuksi janhanarispk'a nani jamperi niarsini sesikuecha iretechericha eska na jindeek'a jandiajk'u juramukueri eska na jaka kaskukata jima keru juramukuecharhu.

Isi jimpo erankuntasti sesi japirini janhanarhintani iretani purheni eska jatsiska sesikua intsinhantani tumina ka jandiajku juramukuarhini chunkumaparini eska na karakata jaka mamaru jasi juramukuecharhu.

Sala Superiori isi jatsikusti eska nu jurimpikuespk'a eska na jamapk'a ima juramukua municipiori, eska ma jimpo erankunsirenti eska ireta purhespk'a enka kurhajpeenk'a jandiajku juramumukuarhinika meteru jimpo nu janhanarhikusti ini sesikuani eska na kaskukata jaka juramukuaru, isi jimpo ikichakua ukusti indeni legalidad electoral arhikatani.

Ka xandikuarhu, jarhaspti eska isĩ exenhapirink'a eska ireta Sani Franciscu Pichatarhu ireta purhespk'a, ka jatsĩsti janhanarhikua eska na arhijkaksĩ kerat'i juramuekuecha ka sesikua nenenk'a ukua jandiajk'u juramukuarhini, ka winaskuntani ireteri jankua, ka istu chunkumani iapuru isĩ ireteri sesi k'ekua jirinhakuntani jima eska na jindeeka kunkuarhiparini, tumineri ka jankuecheri ambe, ka jatsĩstii'tu eska janhanarhikuak'a juramukua iretarhu anapkuspka, ka jatsikuarhini tumina nanienk'a maiampeak'a imeri juramukuani.

Tribunal pakarasti eska sesi jasi xanharuspka'a janhanarikuni ireta purheni, wandakua winhapiti ma jimpo eska jatsisk'a sesikua jirinhantani nena xanhatani imeri jirinhanskua juramukuarhikua jupikaparini juramukuechani tankuarenskueri ka ini jimpo winaperantani eska jindeska ireta purherini, ka ambeka jimpo ukua sesi juramukuarheni, xeparini Ayuntamientuni ka materu juramutichani Estudu de Michoacani anapuechani, isĩ eska na arhijk'a ari sesikua iamindu kurhamarperakueri naniik'a exejk'a intsinanskua tumina ka isĩ winaskuni iretarhu i xasi wandakua jandiajku juramukueri ambe.

Isĩ chunkumaparini, Sala kurhakusti Instutito Electoral de Michoacani anapuni kunkuarhintatini juramuti municipiori ka iretarhu anapuechani jinkoni eska jatsispk'a uni kerit'akuarhikua ma nanink'a kurhamarpepirink'a na xani, nani jamperi jukarhuski inde instsinanskua jandiajk'u juramukueri, pindakuarheparini juramukuani ka intsinanskua sesikuani ka urakua tumineri, ka eska na pakarenak'a ini takuarhikuarhu juramuticha estadurhu ka municipiori anapuecha jatsikustiksĩ eskaksĩ chunkumaak'a.

Chunkumani eska na wekakpa ireta jima weratini kerit'ankuarhkueru kurhamarperakuaru, Ayuntamientu jatsist'i eska xanatapirink'a nena ireta intsikuntani tumina jurimpitku, xeparini eskaksĩ yaminduecha inchaparhakuak'a, ka erankuparini iretarhu weratini yamindu jasi wetarhinchakua ambe ka xasi jimpo ireta uni jandiajk'u juramukuarhini, inde niatakua mamaru jasi kaskukuecheri jarasti eska ireteri jankuechani jimpoksis ukuarhiati, menku isĩ erankuparini eskaksĩ sesi xanharak'a ka kurhakuparini kaniik'a wetarhiak'a.

Xasi niatakua kaskust'i anchikuarheta Estaduri naniejka'a jatsik'a pari xanhatani kunkuarhikua ireta porhecheri kurhankuparini eska jatsisk'a nena waxajtani kaskukuechani enkaksĩ iretecha jarhoawawaka, janhanarhiparini yamindu sesikuechani ka sanderu eska na jindeeka, kunkuarhikua porhecheri, majkuni p'ikukua anchikuarhekua, jankua yamindu jasi anchikuarhetaru, ka juramuni interu isĩ.

Xasi jimpo, janhanaristiksĩ juramukua jinkoni iretani San Franciscu Pichataruni, eska jatsikuarhiask'a sesikuechani yamindo ireteri ka xasi jimpo p'ikuni jandiajku juramukua, p'ikuparint'u sesikuani kunkarhekua porhepecheri ka ini jimpo uni xanharani ka jandiajkuksĩ wandakuarhini, ka karata enkaksĩ incharapka arisi pakarasti:

TRIBUNAL ELECTORAL

del Poder Judicial de la Federación

1. Janhanarini sesikua ireta purheri San Franciscu Pichataru, eska ma kunkuarhikua sesikua jinkoni, enka jurajkuajk'a p'ikukuarhini jandiajuku kunkuarheni ka jurajkuni erankuntani yamindu jasí ireteri k'ekua, tumineri, kuiripuri ka jankueri ambe.
2. Kuntandani juramutichani Estado de Michoacani anapuechani, anchikuarheparini naniejkaksí janhanariejk'a iretani eska ma kunkuarhekua sesikua jinkoni, enka jatsikuarek'a ambe ka juramukua ireteri.
3. Kuntandani juramutichani Ayuntamienturu Tinganio anapuechani, anchikuarheparini naniejkaksi janhanariejk'a iretani eska ma kunkuarhekua sesikua jinkoni, enka jatsikuarek'a ambe ka juramukua ireteri.
4. Kuntantani Instituto Electoral de Michoacán anapuni, jimpoka kumachikuesk'a enka imeri anchikuark'a, ka kunkuariparini juramuticha municipioru ka iretarhu anapuecha, untaati tankuarekua kurhamarperakueri juramuti iretarhu anapuechani jinkoni naniejk'a erankuntaak'a na xani, nani jamperi jukarhuski inde instsinanskua jandiajk'u juramukueri, pindakuarheparini juramukuani ka intsínskua sesikuani ka urakua tumineri enka pitaranchk'a.
5. Kuntantani Ayuntamientuni, k'amanharintsicha eskaksí na weraak'a kurhamarperakuecha.
6. Enkaksí sesi werapirinha kurhamarpetarahu kuntantani yamindi juramutichani electoral arhikateechani ka munipiorhu anapuechani, paraksí jarhoajperani wandonskuarheni municipio Tinganio ka ireta San Francisco Pichataru, ka xasí jimpo pakarani waxatakata eska yamindu ambe sesi ukuarisk'a, ka weratini kurhamarpetaru uni intsínantani mamaru jasí uruakua ambe, erankuparini sesi urakua, sesi patsakua ka sesi wantanskua eska na ireta juramuak'a.
7. Juramukuni Ayutamientuni eska wantaak'a tankuarhekua kurhamarperakueri ka jarhoajpeni sesikua jinkoni iretani San Franciscu Pichataru, juramutichani jinkoni erakukata juchari jankuechani jimpo, jien kanink'a mojtakuak'a ka jinbani ambe kaskuni wekaak'a, xasí jimpo kurajpeat'i sesikua ka ayanpeni, nu isku xejpini, yamindu mankuni xeparhiani, jienk'u nu isí waat'i kaniejk'a kuetsapikua ambe pari nu isí ukuarhini, t'uin karhamarpetinia iretarhu anapuechani ka imeri juramutiechani.
8. Juramukuani yamindu juramutiechani enkaksí kunkuarhetini jaka pari sesi pentani ambe, ayakpeparini nena xanharani paraka isí uakuarhiak'a.

Isí wekaparini eska etsakurhiak'a ka xarhatanhani nani jamperi jukarhuski i sesi penskua wantaniatani iretarhu anapuecheri San Franciscu Pichataru, enka p'indakuark'a Tinganio, Michoacani de Ocampu, Sala Superior isí erokasti karantani jukaparhakua jinkoni, naniejk'a upirink'a etsakuni ayakpeparini ka istu karantani wandakuani jimpo nakenk'a jimpo p'itarapirink'a isí eska na arhijk'a Catálogo de las Lenguas Indígenas Nacionales, Variantes Lingüísticas de México con sus Autodenominaciones y Referencias Geoestadísticas.

TRIBUNAL ELECTORAL del Poder Judicial de la Federación

Instituto Electoral de Michoacán wantasti eska wenapirink'a erakunakua juramuti Gobernadoriri, diputaducheri ka Ayuntamientouri, ka winhaperasti Consejo Generaliru ma, wenakua jirinanskua jien 2011 jimpo.

Iretaru Cherani Michoacani anapuecha, peerakustiksī karakata ma Institutuni, naniekaksī wekenk'a imeri juramuti jirinchantani imecheri jankua jimpo, ka istuksī mititarani eska pakaranhaspka nuksī jamani nijt'u jurajpini eska ukuarhipirink'a Proceso Electoral Ordinariu.

Cherani ireta purhe mest'i enka t'amu wapatsikua jimpo arhukurk'a, enkaksī jindeek'a ma winapiti kunkuarhinskua. Jarasti eranharhini eska wapatsekua (calpulli nahua jimpo, ka anapu wapatsekua pure jimpo) jindeest'i yonki tua anapu weratini ma kunkuarenskua enka niatanhenk'a patsaakueri, jirinanskueri, warhipekueri, markuecheri, wandatsekuarheteri, irekueri, kuiripucheri, jankuecheri, tumineri ka anchikuarhiteri, yamindi i xasī ambe jindesti materu jasī jankua ka irekueni, nu xeparini eskaksī iicha mootsīpusk'a tua anapu ka novohipanu weratini.

Consejo Electoral indeeri Instituto Electoral del Estado, wandasti eskanha kueratanchasīrenk'a juramukua ka jurajmpeni eska ukuarhepirink'a jirinanskua juramutiri imecheri jankua jimpo, eskaksī na kurhajpeenk'a ireta porhe Cherani.

Nu jayapanhetsīcha xasī wandakuani jimpo, nuksī isku jarast'i juramutichani jinkoni, wadaparinksī eska Instituto nu kankuarsirenk'a juramukuechani ka miteni ambeekaksī kurhakuni, ka ambe wejnini jimpo tsunapipirint'ieskaksī janhanarhikuapirink'a sesikuani enka jirinchant'a juramuti ireteri jankuechani jimpo, ka niarani isī uni eskaksī na mijkukuarhepk'a.

Sala Superiori isi kamatasti eska na niarani japkia jornada electoral, eska sesi japirink'a sesi peentani xasī wandaneatani, ka nu sanderu yondani jarhani ka istu niatakua wekani kamakurhini, ka xasī jimpo intsaatani iretechani sesi jasī sesikuechani ka juramukua Estaduri.

Indeni chunkumakua eratsikuecheri, nu sesi ukua kunkuarhest'i juramuti jirinanskueri Gobernadoriri jima Michoacani, diputaduecheri ka ayuntamienturhu anapuecheri, ka istu sesikuani jandiajk'u jirinanskua juramutichani jucheri jankuechani jimpo. Instituto Electoral nu mampe wantasti, ka nu mampe xarhatakuasti iretani Cherani anapuechani enkaksī wekenk'a sesi jasī sesikua Estadurhu anapu p'ikuni.

Tribunal Electoral del Poder Judicial de la Federación, wantasti eska intsantani sesikua juramukueri iretecheri jindesti paraksī sesi pentani kamarhuni jamani eskaksī na irekuarhipk'a ireta porhecha ka eskaksī na nu jurhajkunek'a p'ikuni sesikua kuiripucheri indeni sanderu p'ikukua juramukua enka estado inspeek'a.

Inde nu jurajpekua nu jindesti jankueri o tumineri, ide materu ambe p'inharxirent'i eska na jindeek'a yonki anapu, irechekueri, kuiripuri ka jankueri ambe enkaksī iretecha sanku xenhenk'a juramukuarhu, i nitamuakuecha jindestiksī enkaksī nu jurajkunk'a

TRIBUNAL ELECTORAL

del Poder Judicial de la Federación

iretechani sesi pewantani wantaneatechani ka isi jimpoksisi tribunalicharu niaranhet'i ka jaxi jimpo upirink'a majkuni jandu sesi pentani ambe.

Xasi eranarhikua jimpo, Sala Superior wantasti, enkanha wantaneata jimdepk'a janhanarhikueri ka inspenskua sesikua jandiajku juramukueri ireta porheri Cheraniri, xasi jimponha i kumanchekua enkanha jindepka sanderu keru juramukua ka enkanha chunkumenk'a kuajpeani sesikuechani materia electoraliru jatsistinha miteni ka sesi p'entani wantaneatani.

Sesikua jandiajku juramukueri, kurhankukuarsint'i eska winatsekua materu sesikuecheri eska na jindeek'a wandakua tankurenskua p'orhepcheri, tumineri, kuiripuru ka juramukueri iretecheri p'orhepecheri, indecha xasi jimpo janharikuestiksinha Estadu mexicanuni jimpo enka jatsika pari inspeni sesikua naniej'ka iretecha wak'a yamindu kuiripuni jinkoni mitikuarhintani.

Ampeen'ka mititarant'ka iretechani nu jindest'i wandakuajk'u ka jankuecha ampeejk'u, jindestinha materu ampeet'u, eska na jindek'a yoni jimpo irekua naniejkaks'i xanhark'a mamaru jasi jakuecha ka eratsekuecha. Ka xasi jimponha mititaranskua p'orhecheri sesi jupikuarsent'i xanharakua jankuechani jinkoni.

Ka xasi jimpo, jakua ka kuajpekua jankuecheri ireta p'orhecheri ka jandiajku juramukueri ambe jindestiks'i ma yamindu ampeenhek'a ma ireta p'orhe. Sesikua ireta p'orhecheri enka jindek'a jandiajku juramukuarhini kaskukata jarhajt'i, wenakuarhu ka kuntansint'i materu sesikuechani enkaks'i xarhatk'a nena jandiajk'u ukuarhini ambe, eskaks'i na jindeek'a:

1. Jandiajk'u ireta p'ikukuarhini nena irekaurhini, nena pajperani, kunkuarhiparini kuiripuchani, tumineri, ka jankuecherini ampe jinkoni.
2. Jandiajk'u xanhatani jankuechani ireteri naniej'ka sesi pewantawak'a wantanhatechani erankuparini keru juramukuani Constitucionini, janharhipani mandani kuiripuri sesikuechani, sesikua yamindueri, ka sanderu ananhatakua warhiticheri.
3. Jandiajk'u erakuntani juramutichani naniejkaks'i xanhatawak'a juramukuani ireteri jankuechani jimpo chunkumaparini mamaru jasi xanharakua ka jakua ambe, kurhandiparini eska warhiticha jatsiskaks'i inchamukuni jima majkuni jandu eska tatakecha.
4. Jandiajk'u erakuntani nena intsinhani sesi jasi juramukua Estaduri, naniej'ka iretecha niatak'a ambe majku ka istu kunkuarhiparini eskaks'i jatsisk'a sesikua urani iretecheri jankuechani, menku isi janhanarhiparini k'erati juramukuechani.

Xasi jimpo Tribunali k'amarhukusti eska, ireta porhe Cherani, waxajtanhasti jien weratini enka jucheri tua anapuecha irekapk'a ka jima jarhasti xani yoni ka yasi jamperi, ka eska jatsisk'a sesikua juramukuarhini xasi jimpo eska na jindek'a jandiajk'u, ka ambek'a jimpo juramuticha nuks'i waka isk'u xeani, iskuks'i kurhandini

TRIBUNAL ELECTORAL

del Poder Judicial de la Federación

miteparini eskaksi waak'a kurhajpeni tribunarhicharu de justicia, naniekaksi sesi jimpo janhanarhiawak'a.

Ka ist'u, yamindu juramuticha (pindakuarheti ka istu enka nombe), jatsistiksi eskaksi anchikuarheak'a arhini jimpo:

1. Etsakuni, janhanarhini, kuajchakuni ka urani indeni sesikuani;
2. Erankuantani juramukuechani enkaksi majkuni jasi niatk'a, ma wantakua etsakueni jasi ka,
3. Urani isi eskaksi na arhijk'a wenakuecha parhakpeniri, nu arhukpekeri, nu jurajpekeri ka k'ekueri.

Sesikua jandiajk'u juramukueri jindesti naniejkaksi iretecha waaka xeni na jasi jimpo erakuantani juramutichani, turisiri jankua jimpo ka eskaksi porhecha na mijkukuarhik'a, jimpoka jarhaska eska isi mitekuarhik'a eska i sesikua jindesti enka xarhatk'a nenası juramunha ka uni sesi pentani ukua ambe iretarhu.

Xasi jimpo, janhanarhikua ka kuajpikua sesikueri jandiajku juramukueri ireteri porhecheri, nuksi wati nu inspeni wantaparini eska jarhaska pari jukanharhini, erankunhantani, waxajtanhani juramukuecharhu enkaksi tatsipk'a.

Janhanarhikueri eska ireta Cherani jatsisk'a sesikua jandiajk'u juramukuarhini jindesti ma wantakua winapitini, sesikueri jandiajk'u ukuarhikueri ambe, i jindesti ma ukua enka kuajpeek'a ka k'ejkuani iretechani isi eska na arhijk'a Estadu Mexicanu enka wenatark'a wanikua jakuechani xeparini irenkuarhikuani ka sesi pajpekuani.

Sesikuechani janhanarhikatecha ireta porhechericha ka yamindu ireticheri, uranksint'i pari janhanarhini eskaksi yamindu kuiripucha majkuni irekaak'a ka nuksi jurajkuni xasi wandakuani. Isist'i eska sesikua jandiajku juramukueri mamaru ambe juakuarsint'i imani materu sesikuechani enkaksi wandajk'a nena wejchukuni wetarhinchakuani ka komu irekuani iretecherichani.

Isiksi xarhatat'i eska sesikuecha p'orhecheri jindestiksi ma inchajpikua enka jirinbantk'a keskuntani orhukukuechani enkaksi nu jurajpejk'a xanharani niatakurhu kuiripuru ka tuminerirhu enkaksi sankani arhijk'a nu sesi ukuani iretechani, ka nu jakua ma xanharakua pari intspentani kurajpekua ireterini nu jindesti pari nu janhanarhikuani sesikuechani yamindu kuiripurichani eska na karakata jaka k'eri juramukuarhu.

Ka materu jasi wandakua indeni nu sesi ukua jandiajk'u juramukueri, Sala wandasti eska nu isispk'a eska ireteri jankuecha nu sesiksi uksirent'i sesikuechani kuiripucherichani, mandanku janhanarhikuatini sesikuechani, eskanha jaraspk'a sanderu erank'untani inderi urakuani ka jankuechani enkaksi nu jayapanintapka xasi jimpo chunkumani sesi pewantani.

Ka yasi, erakunskua juramuticheri jarhastinha eska urakuarhiak'a ireteri jankuecha jimpo, ka nu jarast'i eskanha turisi jankua jimpo japirink'a jirinbantani juramutichani

eska na arhijk'a k'eri juramukua Constitucioni, xasi jimpo nu wandajsint'ieska majkuni janhaak'a eska yonki ka tsikitantani imani enk'a xani nu sesi ukuawawenk'a kuiripuni ka kunkuarhikua porhechani.

Isi, urakua jucheri jankuechani pari jirinchantani sesi peentani wantaneatechani iretarhu anapuechani, jarhaji eska jupikuarhiak'a keru juramukuani Constitucionini ka pakakperakuechani materu nacionicharhu anapuchani, ka janhanarhiparini yamindu jasi sesikuechani ka istu xeparini anhanatakua warhitichericha, eska jirinanskua juramutichericha jandiajku juramukuani jimpo, menku isiksi jatsist'i inchaparhatani warhitichani majkuni eska tatakechani, ka istu, inskuperini ma anchperata Federacionini, estaducha ka municipiocha paraksi inchaputani warhitichani jatsistiksi intsantani sesikua ambe naniejka jarhoapeak'a anchitani, kuajpeani tsinajpekua jimpo, inchaputani jorhenkua p'itarani ka isi inchaparhatani jima nanijka pakatperank'a ambe iretani jimpo.

Chunkumaparini, enka ma iretarhu nuksi jurajkuperink'a kuiripuchani jirinchantani ma juramutini eska na p'itark'a juchari jankuechani jimpo, xasi jankua jindepirint'i nu sesi ukua ma, enka isi xarhtapinrink'a eska jima k'amarhusk'a sesikua jirinanskueri ma juramutiri, ka xasi jimpo nu sesi ukupirint'i yaminducheru majkuni xejpikuani.

Tribunal kamtast'i eska, kuiripucha ireta porhe Cherani anapuecha, jatsispkaksi sesikua kurhajpeni jirinchantani juramutichani eskaksi na mijkukuarhipka, ireteri jankuechani jimpo, janhanariparini yamindu jasi sesikuechani, ka eska Consejo General del Instituto Electoral de Michoacan, enka keru juramutik'a jima enka jirinank'a juramutichani, jatsispt'i wenani, kaskuni ka kuatani indeni xanhatakua jirinanskua juramuticherichani.